

PROGRAM PERHUTANAN SOSIAL DI RPS AIR BANUN, HULU PERAK, PERAK
ANJURAN PROJEK IMPROVING CONNECTIVITY IN THE
CENTRAL FOREST SPINE LANDSCAPE (IC-CFS)

Disediakan oleh: Dr. Agkillah Maniam
State Project Coordinator IC-CFS

IPOH, 1 JUN 2022

Satu Program Perhutanan Sosial telah dimulakan di RPS Air Banun, Hulu Perak, Perak pada 1 Jun 2022 sebagai aktiviti susulan bagi penyediaan Garis Panduan Pembelian Anak Pokok daripada Komuniti Setempat yang telah dilaksanakan pada tahun 2021.

Pada tahun 2021, satu tapak semaian skala kecil yang dapat memuatkan sekurang-kurangnya 10,000 anak pokok telah dibina bersebelahan dengan Pejabat Jabatan Kemajuan Orang Asli (JAKOA) di RPS Air Banun atas minat yang telah ditunjukkan oleh komuniti RPS Air Banun yang diwakili oleh Ahli-ahli Jawatankuasa Koperasi RPS Air Banun.

Objektif Program Perhutanan Sosial ini adalah untuk memberikan peluang kepada komuniti RPS Air Banun untuk mengambil bahagian dalam program peningkatan taraf hidup dan pendapatan alternatif yang juga dapat menyumbang kepada kesinambungan koridor ekologi Central Forest Spine di daerah Hulu Perak serta membantu memperbaiki kawasan yang terosot.

Selaras dengan itu, vendor telah dilantik untuk menjalankan tugas-tugas menambahbaik infrastruktur serta membangunkan protokol operasi standard (SOP) bagi menjalankan aktiviti pengumpulan anak benih, penyemaian anak benih dan penjualan anak pokok. Selain itu, dua orang pekerja penuh masa juga telah ditempatkan bagi program ini untuk membantu pihak komuniti RPS Air Banun dalam menjayakan program ini. Tugas vendor juga merangkumi melatih para peserta program dan menyediakan modul-modul berasaskan video untuk kegunaan komuniti tersebut pada masa hadapan. Program ini dijangkakan akan tamat pada bulan November 2022 dan seterusnya tapak semaian tersebut akan diserahkan kepada Koperasi Air Banun untuk diuruskan.



Tapak semaian skala kecil untuk projek perintis



Tempat mencampurkan medium dan menabung bersebelahan dengan tapak semaian yang telah dibina



Perbincangan bersama pemegang-pemegang taruh yang terlibat dengan Program Perhutanan Sosial di RPS Air Banun



Pemegang-pemegang taruh yang terlibat dalam pelaksanaan Program Perhutanan Sosial di RPS Air Banun – Koperasi Air Banun, Jabatan Kemajuan Orang Asli, Pejabat Perhutanan Daerah Hulu Perak dan JPNPk



Tugasan pratikal bersama peserta latihan program tapak semaian dan penyemaian anak benih



Kursus latihan teori program tapak semaian dan penyemaian anak benih